

**ՀԱՐԱՎԱՄԵՐԻԿՅԱՆ ՓԵՅԸ**

**ԵՎ ՊԱՅՔԱՐԸ ԳՐԱ ԴԵՄ**

**(*Tuta absoluta* Meyrick)**



**ԵՐԵՎԱՆ 2019**

***Սույն տեղեկատվական գրքույկը մշակվել և տպագրվել է «Հայաստանի Հանրապետության Արարատի և Արմավիրի մարզերում հարավամերիկյան ցեց վնասատուի դեմ պայքարի միջոցառումների իրականացման» պիլոտային ծրագրի շրջանակում:***

Հեղինակներ՝

**Ա. Տեր-Գրիգորյան**

**Ա. Մանվելյան**

Խմբագիր-սրբագրիչ՝

**Ս. Պետրոսյան**

## ԼՈՒԻԿԻ ՀԱՐԱՎԱՄԵՐԻԿՅԱՆ ԳԵԳ (*Tuta absoluta* Meyrick)

Վնասատուն հայտնի է լուիկի հարավամերիկյան սղոցող, լուիկի հարավամերիկյան ցեց, լուիկի տերևային ականող, լուիկի հարավամերիկյան ներթափանցող որդ անուններով, իսկ առավել տարածված անվանումը՝ լուիկի ցեց: Սնվում է մորմազգի մշակաբույսերով (Solanaceae) և մորմազգի մուլախոտային բուսականությամբ, ունի մեծ վնասակարություն, արագ տարածվում է և հարմարվում միջավայրի պայմաններին:

Հայաստանի տարածքում լուիկի հարավամերիկյան ցեցն առաջին անգամ հայտնաբերվել է 2012 թվականին Արարատի մարզի Դարակերտ և Դուկասավան համայնքներում:



Լուիկի ցեցի թիթեռ

### Արտաքին կառուցվածքը

**Հասուն ցեցի** մարմնի երկարությունը մոտ 7 մմ է, թևերի բացվածքը՝ 8-12 մմ: Ունի թելանման բեղիկներ: Շագանակագույն է կամ արծաթափայլ մոխրագույն՝ առջևի թևի վրա սև բծերով:

**Ձվերը** օվալաձև-տակառաձև են՝ 0,35-0,5 մմ երկարությամբ, 0,2-0,25 մմ լայնությամբ, գույնը՝ սերուցքասպիտակավունից մինչև դեղին:



**Լուլիկի ցեցի ձու**



**Լուլիկի ցեցի տարբեր հասակի թրթուրներ**

Թիթեռը ձվադրում է տերևների վրա (հիմնականում ստորին կողմում), ծաղկակոկոնների, կանաչ պտղաբաժակի, բույսի վերգետնյա այլ օրգանների վրա:

**Ձվից նոր դուրս եկած թրթուրի** երկարությունը 1 մմ է, իսկ հասուն թրթուրինը՝ 8-9 մմ: Մարմինը սերուցքագույն է, ունի մուգ գլուխ, որը 2-4-րդ մաշկափոխության ընթացքում դառնում է կանաչադեղնավուն, հետագայում՝ կարմիր:

Թաքնվում են տերևների վրա բացված ականներում, ցողունի, ծաղիկների և պտուղների մեջ:

**Ջարսնյակների** երկարությունը 4-6 մմ է: Սկզբում դրանք կանաչավուն են, հասունանալուց հետո՝ բաց շագանակագույն:

Լուլիկի ցեցի կենսացիկլ տևողությունը, կախված կլի-

մայական պայմաններից, 29-38 օր է: 14 °C-ի պայմաններում զարգացումը տևում է 75 օր, իսկ 25-27 °C-ի դեպքում՝ 23 օր: Ձվի զարգացման տևողությունը 5-7 օր է, թրթուրային փուլինը՝ 13-15, հարսնյակինը՝ 8-11: Արուների կյանքի տևողությունը 6-7 օր է, էգերինը՝ 10-15:



**Լուլիկի ցեցի հարսնյակ**

Հասուն ցեցն ակտիվ է արևի մայր մտնելուց հետո և լուսաբացին, իսկ ցերեկային ժամերին այն պաստպարվում է տերևների արանքում, և կարելի է նկատել միայն բույսը թափահարելիս: Թիթեռները չեն սնվում, սակայն կարող են ապրել մինչև 10 օր:

Էգերը սովորաբար ձվադրում են բույսերի վերգետնյա օրգանների վրա՝ հիմնականում մեկական (լուլիկը հիմնական տեր բույսն է): Յուրաքանչյուր էգ կյանքի ընթացքում դնում է մոտ 250-300 ձու: Ձվից դուրս գալուց հետո թրթուրները թափանցում են բույսի հյուսվածքների մեջ ու

սկսում սնվել՝ առաջացնելով ականներ, և մնում այդտեղ մինչև հարսնյակավորվելը: Այդ ընթացքում տեղի է ունենում զարգացման 4 փուլ: Հասուն թրթուրը, կախված միջավայրի կլիմայական պայմաններից, հարսնյակավորվում է հողում (մի քանի սանտիմետր խորությամբ), տերևների մակերեսին կամ ականների մեջ (որոշ դեպքերում՝ բոժոժների մեջ):

Լուլիկի ցեցը մեն վեգետացիայի ընթացքում կարող է տալ 8-12 սերունդ:

Վնասատուն արագ հարմարվում է տարբեր բնակլիմայական պայմաններին և կիրառվող պեստիցիդներին: Թրթուրը չի անցնում ժամանակավոր դադարի (դիապաուզա) այնքան ժամանակ, քանի դեռ սնունդը հասանելի է:

Ձմեռում է զարգացման բոլոր փուլերում՝ ձու, հարսնյակ, թրթուր և իմազո:

Լուլիկի հարավամերիկյան ցեցը տարածվում է զարգացման բոլոր փուլերում, հիմնականում՝ թրթուրային փուլում, ներմուծվող պտուղների և տնկանյութի, ինչպես նաև փաթեթավորման նյութերի միջոցով: Թիթեռները լավ են թռչում և քամու հոսանքով կարող են տարածվել մեծ հեռավորությունների վրա: Պոտենցիալ վտանգ են ներկայացնում նաև դեկորատիվ մորմազգի բույսերը, բուսական սուբստրատը և տարաները:



**Ցեցի թրթուրներ և վնասված տերևներ**

### **Լուլիկի ցեցի պատճառած վնասներն ու ախտանիշները**

Լուլիկի բույսերը և պտուղները կարող են վնասվել վեգետացիայի բոլոր փուլերում՝ սաճիլից մինչև հասուն բույս, ինչպես նաև բերքահավաքի և փաթեթավորման ընթացքում:



**Վնասված պտուղներ**

Ձվերից դուրս եկած երիտասարդ թրթուրները թափանցում են լուլիկի բողբոջների, ծաղիկների, չիասունացած, հետագայում՝ նաև հասունացած պտուղների, տերևների կամ ցողունի մեջ, որտեղ սնվում են և զարգանում՝ առաջացնելով արտաթորանքով լցված ականներ ու անցուղիներ:

Վնասված տերևների վրա առաջանում են անկանոն ականներ, այնուհետև վնասված հյուսվածքները չորանում են: Բույսերի վրա մեծ քանակությամբ արտաթորանք է կուտակվում: Թրթուրները տերևների միջև առաջացնում են ուստայնանման թաքստոցներ:

Պտուղները ձևավորումից անմիջապես հետո կարող են վնասվել, իսկ դրանց վրա բացված անցուղիները կարող են երկրորդային ախտահարման ենթարկվել տարբեր միկրոօրգանիզմների կողմից ու փտել:

Ցեցով վնասվելու հետևանքով լուլիկի բերքի կորուստները կարող են կազմել մինչև 100 % կորուստ: Բարենպաստ պայմաններում, օրինակ՝ ջերմատներում, վնասատուն կարող է զարգանալ ողջ տարվա ընթացքում, իսկ ամռանն այն ջերմատնից կարող է տեղափոխվել բաց դաշտ:

## Մոնիտորինգի (մշտադիտարկում) իրականացումը

### Ջերմատնային պայմաններում.

- ցեցի թիթեռների հայտնաբերման նպատակով սերմերի ցանքից հետո սածիլանոցում տեղադրել ֆերոմոնային թակարդ և ամեն օր ստուգել,
- սերմերի ծլելուց հետո ամեն օր ստուգել սածիլների վիճակը՝ ուշադրություն դարձնելով բույսերի գագաթային մասերին,
- օգտագործել տարբեր տեսակի կաչուն ժապավեններ,
- կիրառել էլեկտրալուսային թակարդներ:

### Դաշտային պայմաններում.



**Ֆերոմոնային  
թակարդներ**

Լուլիկի ցեցի թիթեռների և թրթուրների հայտնաբերումը հնարավոր է մորմազգիների ընտանիքին պատկանող մշակաբույսերի ու մուլախոտային բույսերի կանոնավոր ակնադիտական զննումների միջոցով: Դա թույլ է տալիս վաղ շրջանում բացահայտել վնասատուի զարգացման տարբեր փուլերը, ինչպես նաև ախտանիշները: Սակայն թաքնված կենսակերպի պատճառով ակնադիտական զննումները ոչ միշտ են արդյունավետ:

Ցեցի թռիչքի մոնիտորինգի և ցեցի տարածման օջախների ժամանակին հայտնաբերման և պայքարի ժամկետների ճշգրտման համար անհրաժեշտ է օգտագործել ֆերոմոնային թակարդներ. դրանք պետք է տեղադրել դաշտեզրերին (1 թակարդ 3 հեկտարի հաշվով), ցանկալի է ճանապարհի երկայնքով՝ կապելով փայտյա ցցերին, 40-50 սմ բարձրության վրա:


Թակարդների սոսնձապատ կաչուն տակդիրներն անհրաժեշտ է հաճախակի փոխել: Լուլիկի ցեցի կողմից բույսերին հասցվող վնասի ռիսկը կարելի է գնահատել ըստ որոշակի ժամանակահատվածում թակարդներում որսված արուների քանակի:

## **Վնասատուի դեմ պայքարի միջոցառումները դաշտում**

### **Ագրոտեխնիկական և մեխանիկական միջոցառումներ**

- Աշնանը կատարել դաշտի ցրտահերկ՝ 25 սմ և ավելի խորությամբ:
- Կիրառել ցանքաշրջանառություն և բացառել մորմազգի բույսերի հերթափոխումը:
- Ոչնչացնել սածիլների ստացման համար նախատեսված ջերմոցներում ու ջերմատներում, հարակից տարածքներում, ինչպես նաև դաշտեզրերին աճող մորմազգի մոլախոտային բուսականությունը:
- Օգտագործել առողջ սածիլներ. մինչև դաշտ տեղափոխելն ակնադիտական եղանակով կամ ֆերոմոնային թակարդների կիրառմամբ ստուգել դրանց վրա լուլիկի ցեցի ձվերի առկայությունը:

➤ Սածիլումից առաջ դաշտը նախապատրաստել ըստ ագրո-տեխնիկական պահանջների:



➤ Դաշտերը ենթարկել տարածական մեկուսացման՝ ստեղծելով հացազգի մշակաբույսերի (կարելի է կիրառել ցորենի և եգիպտացորենի տարբեր սորտեր) բուժերային շերտ, որը կսահմանափակի այլ տարածքներից վնասատուի ներթափանցումը մաքուր դաշտ:

➤ Մշտապես հետևել և անհրաժեշտության դեպքում իրականացնել բույսերի սնուցում:

➤ Խստիվ հետևել բույսերի կանոնավոր ոռոգման աշխատանքներին:

➤ Վեգետացիայի ընթացքում դաշտերը ենթարկել մշտադիտարկման՝ ինչպես ակնադիտական, այնպես էլ ֆերոմոնային թակարդների կիրառմամբ:

➤ Կանոնավոր կերպով հավաքել և ոչնչացնել վնասված բույսերը:



- Խստիվ արգելվում է տերուլքը բաց թափքերով մեքենաներով դաշտից հեռացնել այլ տարածքներ, լցնել գետերը և այլն:
- Տերուլքը թաղել դաշտեզրերին փորված փոսերի մեջ կամ հավաքել, հերմետիկ ծածկել սև գույնի պոլիէթիլենային թաղանթով՝ ենթարկելով արևային ջերմամշակման:
- Բերքահավաքից հետո հավաքել և ոչնչացնել բուսական բոլոր մնացորդները:

### **Պայքարի քիմիական և կենսաբանական միջոցառումներ**

Բարձր կենսաբանական արդյունավետությունն ապահովելու համար վեգետացիայի ընթացքում վնասատուի դեմ պետք է կիրառել տարբեր բաղադրությամբ, ազդող նյութով, ազդման բնույթով քիմիական և կենսաբանական պատրաստուկներ:

Աղյուսակում ընդգրկված միջատասպան պատրաստուկները (կամ դրանց համարժեքներն ըստ ազդող նյութի) անհրաժեշտ է օգտագործել պարտադիր հերթափոխության սկզբունքով:

**Լուրիկի ցեցի դեմ քիմիական պայքարի համակարգում ներառված  
ինսեկտիցիդների տեսակային կազմն ու կիրառման  
առանձնահատկությունները**

Պատրաստուկի անվանումը*	Ազդող նյութը	Ծախսի նորման 1 հա-ի հաշվով (լ/հա, կգ/հա)	Վնասատուի գարգացման փուլը	Սպասման ժամկետը
<b>ԱՄՊԼԻԳՈ 150 ՄԿԿ</b>	բլորանտրանիլիպոլ՝ 100 գ/լ + լյալբոլա-ցիհալյուրիխ՝ 50 գ/լ	0,4	ծու, թրթուր	25/2
<b>ԲԵԼՏ ԽԿ</b>	ֆլուբենդիլամիդ՝ 480 գ/լ	0,8-1,0	թրթուր	20/2
<b>ՎՈԼԻՍՄ ՏԱՐԳՈ 063 ԽԿ</b>	աբամեկտին՝ 18 գ/լ + բլորանտրանիլիպոլ՝ 45 գ/լ	1,0	ծու, թրթուր	12/2
<b>ՔՎԱՆՏ 330 ԹՓ</b>	աբամեկտին 30 % + ցիլոմազին 30 %	0,8	ծու, թրթուր	15/2
<b>ՍՊԻՆՏՈՐ 240 ԽԿ</b>	սպինտսադ 240 գ/լ	0,3-0,4	թրթուր, հասուն	7/2
<b>ԿՈՐՍԳԵՆ 200 ԽԿ</b>	բլորանտրանիլիպոլ՝ 200 գ/լ	0,5	ծու, թրթուր	14/3
<b>ՄՍՏՁ 0 50 ԽԷ</b>	լյուֆենուրոն՝ 50 գ/լ	0,5	թրթուր	7/2

\*Շուկայում առաջարկվում են նաև այլ արդյունավետ պատրաստուկներ:

Անհրաժեշտ է մշտապես հետևել թունաքիմիկատների փաթեթների վրա նշված հրահանգներին՝ օգտագործման չափաքանակի, կիրառման եղանակի, կրկնողությունների առավելագույն թվի, սպասման ժամկետների, ինչպես նաև անվտանգության կանոնների վերաբերյալ:

**ՏՎՅԱԼ ՎՆԱՍԱՏՈՒԻ ԴԵՄ ՊԵՏՔ Է ԻՐԱԿԱՆԱՑ-  
ՆԵԼ ՎՆԱՍԱՏՈՒԻ ՏԱՐԱՃՄԱՆ ՍԱՐՄԱՆԱՓԱԿՄԱՆ ԵՎ  
ԱՄԲՈՂՁԱԿԱՆ ՈՉՆՉԱՑՄԱՆ ՀԱՄԱԿԱՐԳՎԱԾ, ԻՆ-  
ՏԵԳՐԱՑՎԱԾ ՊԱՅՔԱՐԻ ՄԻՋՈՑԱՌՈՒՄՆԵՐ՝ ՀԱՄԱ-  
ՏԵՂԵԼՈՎ ՀՆԱՐԱՎՈՐ ԲՈԼՈՐ ԵՂԱՆԱԿՆԵՐԸ:**

**ՊԱՅՔԱՐԻ ՄԻԱՅՆ ՄԵՎ ՄԵԹՈՂԻ ԿԻՐԱՌՄԱՆ  
ԴԵՊՔՈՒՄ ԴՐԱԿԱՆ ԱՐՅՈՒՆՔ ՀՆԱՐԱՎՈՐ ՉԷ  
ՍՏԱՆԱԼ:**

Թղթի չափսը 60x84 1/16 , 1 տպ. մամուլ, 0.8 հրատ. մամուլ  
Պատվեր 80:           Տպաքանակ 5000:

---

ՀԱԱՀ-ի տպարան, Տերյան 74



